



„Savez poljoprivrednih udruženja Konjic“
Varda bb, 88400 Konjic

Telefon: 036 735-040 i 036 735-041, fax 036 735-041
www.poljoprivredakonjic.ba



4. MEĐUNARODNI FESTIVAL HRANE

“KONJIC FOOD-FEST” 2013



Dana 03 i 04 oktobra 2013. godine na Sportsko-kulturnom centru "Partizanovo" u Konjicu, u organizaciji općine Konjic, Saveza poljoprivrednih udruženja Konjic, norveške Kommune Sund i Turističke zajednice Konjic, održan je 4. Međunarodni festival hrane "KONJIC FOOD-FEST" 2013.

Priprema izlagačkih mjesta i izlaganje proizvoda počelo je u ranim jutarnjim satima. Organizatorima Festivala, u njegovoj pripremi i realizaciji značajno su pomogli učenici Srednje poljoprivredne škole iz Konjica, koji su bili na raspolaganju organizatorima i učesnicima Festivala u oba dana festivala, a naročito prilikom izlaganja proizvoda, kao i učešćem na Info punktu, gdje su pružali sve potrebne informacije kako izlagačima tako i posjetiocima, oba dana Festivala



Veliki doprinos tehničkoj realizaciji Festivala dali su radnici preduzeća Standard iz Konjica, kojio su: pripremili teren za postavljanje velikog plakata na Drecelju, postavili tri banera u gradu Konjicu i izlagačke stolove dovezli i postavili dan ranije.

Iako je svečano otvaranje Festivala zakazano za 11,00 sati, sve tehničke pripreme završene su znatno ranije.



Na ovogodišnjem Festivalu učestvovalo je 70 izlagača, kaliki je i kapacitet izlagačkih mjesta Festivala.. Jedna trećina izlagača bili su izlagači iz drugih mjesta van područja općine Konjic, i to; iz: Sarajeva, Mostara, Travnika, Fojnice, Gračanice, Hadžića, Jablanice, Olova Prozora, Rudog i drugih mjesta širom Bosne i Hercegovine, među kojima su bili i članovi - predstavnici različitih udruženja kao što su Udruženje poljoprivrednika iz Travnika, Udruženje žena „Zeleni vir“ iz Olova, Ljekovito bilje

“ORHIDEJA” iz Bihaća, Eko Line i drugi.



Učesnicima Festivala su svoje kulinarske kvalitete pokazali i predstavnici ambasade Kraljevine Norveške, koji su prvi dan Festivala pripremali palačinke i nudili ih učesnicima Festivala.



Dvije trećine izlagača bili su domaći proizvođači hrane





Prije zvaničnog otvorenja Festivala, zainteresovani posjetioci su obilazili štandova sa ponuđenom robom i zbog bojazni da će iste biti rasprodane, odmah su pristupili kupovini proizvoda.. Svi su imali priliku vidjeti asortiman proizvoda, u čijem sadržaju je bio veliki broj poljoprivrednih proizvoda, kao i prerađevine od istih, od kojih su neki pravljene na licu mjesta, a što je najznačajnije potencijalni kupci sve prerađevine su mogli prije kupovine probati.





Na festivalskim štandovima dana 03. i 04. oktobra 2013. godine, našli su se:

- **mlijeko i mliječni proizvodi**, među kojih se isticao Repovački sir koji je već u prvim satima festivala rasprodat, zatim, također veoma kvalitetan i cijenjen sir iz mjeha, dimljeni sir, vlaški sir, te tradicionalne posude za spremanje sira.



Suhomesnati proizvodi Izeta Baltića iz Sarajeva, obogatili su festival, a o njihovom kvalitetu i ozbiljnosti rada govorili su posjetioči, koji su se okupljali oko njihovog štanda.



- **Povrće i prerađevine od povrća** zauzeli su posebno mjesto kako po obimu tako i po kvalitetu. Bilo čega da ste se sjetili i osjetili potrebu da s tim obogatite svoju zimnicu mogli ste naći na stolovima proizvođača povrća. Za one koji nisu stigli detaljno pregledati ponudu spomenut ćemo samo neke proizvode, koji su bili na stolovima vrijednih proizvođača povrća i koji su posebno odabrani za ovu priliku, i to: paradajz, luk, krompir, grah, paprika, fafaron, mrkva, kupus, cvekla, patlidžan, tikva, zatim, na zadovoljstvo mnogih domaćica, prerađevina od povrća kao što je ajvar i kiselo povrće čime je zimnica bila upotpunjena.



- **Voće:** ove godine, na području općine Konjic šljiva je izuzetno rodila, te su proizvođači iskoristili prilici i proizveli razne vrste prerađevina od šljive, ali se nažalost može konstatovati da su velike količine šljive propale jer kupaca nije bilo sve kapacitete. Na Festivalu se pored šljive, posebno suhe šljive koje ove godine ima u većim količinama, mogla naći: jabuka, kruška, malina i **prerađevine od voća:** džem od maline, šljive, smokve, slatko od maline, pekmez od kupine i smokve, sokovi od maline i kupine, alkoholna pića, suho voće.



Da su konjički **pčelari** vrhunski u svom radu potvrđuje njihovo stalno učešće na svim sajmovima i festivalima, kao i na ovome, na kojem je učestvovalo 14 članova Pčelarskog društva „ROJ” iz Konjica sa prepunim stolovima različitih vrsta meda: bagremov, med od vriješaka, livadski, kadulja, kestenov i šumski med; proizvodima od meda: matična mliječ, propolis, vosak i polen.



I sakupljači, prerađivači i proizvođači **ljekovitog bilja** članova UG "Brusnica" iz Konjica, kao i učesnici manifestacije iz svih krajeva Bosne i Hercegovine su pokazali s kakvim sve vrstama čajeva i ostalih prerađevina od ljekovitih trava raspolaže općina Konjic i Bosna i Hercegovina.





Cilj festival je podrška domaćoj proizvodnji, posebno onoj koja se proizvodi na organski način. Cilj je ostvaren jer je festival bio pun organskih proizvoda.

Zamisao Organizatora je bila da izlagači donesu hranu koja je napravljena po tradicionalnoj, domaćoj recepturi, međutim rijetki su bili da su se usudili donijeti nešto slično, i nisu se pokojali. Sve vrste kolača i ostalih proizvoda, koje su za ovu priliku pripremljeni, prodati su u prvim satima festivala.



Po programu festivala, u 11:00 sati počeo je svečani dio – ceremonija otvaranja, kada je voditelj programa gospođa Biljana Handžo na binu pozvala prve učesnike programa, djecu iz dječijeg obdaništa "Zulejha Vegeta" iz Konjica, a zatim učenike I osnovne škole iz Konjica, i jedni i drugi su velikim aplauzom podržani od prisutne publike - učesnika i gostiju festivala.



Nakon prvog dijela kulturno - zabavnog programa, uslijedilo je obraćanje zvaničnika.

Prvi se prisutnima obratio predsjednik Saveza poljoprivrednih udruženja Konjic, Nusret Avdiebgović, zatim se u ime Općine Konjic i načelnika općine koji je u vrijeme festivala bio na službenom putu učesnicima festivala obratio predsjednik Općinskog vijeće gospodin Ivica Karlović



Da je ova i slične manifestacije bitna, kako za same proizvođače tako i za cijelu općinu i državu, svojim učešćem i obraćanjem potvrdili su i predstavnici Kraljevine Norveške koji su već dugi niz godina potvrđeni prijatelji općine Konjic, a u ime njih skupu se obratio i prisutne pozdravio gospodin Ivar Steinsland



Čast svečanog otvaranja 4. Međunarodnog festivala hrane "KONJIC FOOD-FEST" 2013 pripala je ambasadorici Kraljevine Norveške, gospođi Vibeke Lilloe



Nakon obraćanja zvaničnika i svečanog otvorenja festivala, gosti, posjetioci i učesnici festivala mogli su uživati u kulturno-zabavnom programu, koji su upriličili članovi KUD-a "Preporod" i bend Ezada Habibije.



Gosti i posjetioci Festivala, nakon što je Festival zvanično otvoren, imali su priliku u okviru **gastro ponude** probati hranu napravljenu po domaćoj recepturi, koju su za ovu priliku pripremile članice Stručne službe Saveza poljoprivrednih udruženja Konjic, Maksumić komerc i Slastičarna „Oaza” Konjic.



Organizator Festivala posebnu zahvalnost duguje kompaniji Maksumić Comerc, koja je prvi dan Festivala gostima i posjetiocima nudila besplatno svoje proizvode: pečeno jagnjeće meso, ćevapi i sl. i Slastičarni „Oaza“, koja je takođe besplatno gostima i posjetiocima nudila razne vrste kolača iz njihovog asortimana



U okviru Programa Festivala organizovano je otvaranje Školske kuhinje, koju su Srednjoj školi Konjic donirali prijatelji iz Norveške. Prilikom otvaranja Školske kuhinje prisutnima se obratila Ambasadorica Kraljevine Norveške gospođa Vibeke Lilloe, a u ime Općine Konjic, pomoćnik načelnika gospodin Vahid Alibegović



I ove godine je u oba dana festivala organizovana **“Čajanka”**, koju su pripremili članovi Saveza poljoprivrednih udruženja Konjic i OPZ Konjic. Čaj je pripremljen od ljekovitih trava ubranim na čistim, često veoma nepristupačnim područjima općine Konjic, zaslađen je takođe s domaćim medom, a njenu realizaciju su pomogli učenici Srednje poljoprivredne škole iz Konjica, djeleći čaj sa kolačićima učesnicima i gostima Festivala



Drugi dan festivala je protekao također veoma živo, jer su posjetioци stalno pristizali, a vrhunac dana je bila gastro ponuda priređena od strane prijatelja iz Sund Kommune iz Norveške, koji su pripremali norveške specijalitete. Svi posjetioци mogli su da prate cijelu pripremu ovog jela, a nakon pripreme i da probaju.



Organizator je na osnovu realizacije planiranog programa Festivala, utisaka i zapažanja, gostiju, posebno gostiju iz Norveške, izjava izlagača, domaćih i onih sa strane, koji su više nego zadovoljni učešćem i prodajom ponuđenih proizvoda, te komentara posetilaca koji su iznenađeni raznolikom ponudom, dao odličnu ocjenu organizaciji i realizaciji Festivala, sa zaključkom da se uočene sitne greške otklone na narednim Festivalima, a ovakve manifestacije obavezno održavati i u budućnosti s nadom da će sve veći broj građana prepoznati i podržati pozitivnu stranu festivala, i isti iskoristiti da obezbijede poljoprivredne proizvode za svoje zimnice.

Da je Festival uspio i da zaslužuje visoku ocjenu govore i osmijesi na licima najmlađih učesnika Festivala iz Dječijeg obdaništa Zulejha Vegeta, učenika I Osnovne škole i Srednje poljoprivredne škole iz Konjica



U ime organizatora i pokrovitelja festivala, hvala svim učesnicima, posjetiоциma i gostima i sretno do Oktobra 2014 godine, kada vas očekujemo na 5.Međunarodnom festivalu hrane “Konjic food fest 2014”